



## საქართველოს იუსტიციის უმაღლესი საბჭო

ქ. თბილისი № 1/87

“ 17 ” ივნისი 2021 წ.

### ბ ა ნ კ ა რ ბ უ ლ ე ბ ა

**ბ. სტურუას მცხეთის რაიონული სასამართლოს მაგისტრატი  
მოსამართლის თანამდებობაზე უვადოდ გამწესების შესახებ**

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ბიძინა სტურუა 2021 წლის 18 ივნისიდან გამწესდეს თიანეთის მუნიციპალიტეტში მცხეთის რაიონული სასამართლოს მაგისტრატი მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

**დასახუთება**  
**ბიძინა სტურუას მცხეთის რაიონული სასამართლოს**  
**მაგისტრატი მოსამართლის თანამდებობაზე დანიშვნის თაობაზე**

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თიანეთის მუნიციპალიტეტში მცხეთის რაიონული სასამართლოს მაგისტრატი მოსამართლის 1 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 24 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ბიძინა სტურუა მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

**კანდიდატის შესახებ მოძიებული ინფორმაცია:**

ბიძინა სტურუას აქვს სპეციალობით მუშაობის 14-წლიანი, მათ შორის მოსამართლედ მუშაობის 9 წლისა და 5 თვის გამოცდილება. იგი საერთო სასამართლოების მოსამართლეა 2011 წლის 1 ნოემბრიდან. ბიძინა სტურუა იყო ხელვაჩაურის რაიონული სასამართლოს მოსამართლე და თავმჯდომარე, ასევე ოზურგეთის რაიონული, თბილისის საქალაქო და მცხეთის რაიონული სასამართლოების მოსამართლე.

ბიძინა სტურუას აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 1908 საქმე (საშუალოდ დღეში 2 საქმემდე), ხოლო გასაჩივრებული გადაწყვეტილებებიდან უცვლელი დარჩა საქმეთა 98,6%. განსაკუთრებით აღსანიშნავია ბიძინა სტურუას მიერ საქმეთა განხილვისას საპროცესო ვადების დაცვის მაჩვენებელი, კერძოდ, მას საქმეთა 100% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

**კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ბიძინა სტურუას გაესაუბრნენ 2021 წლის 3 ივნისის. გასაუბრება წარიმართა ღია სხდომაზე.

**კანდიდატის შეფასება:**

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ბიძინა სტურუა შეაფასა კომპეტენტურობისა და კეთილსინდისიერების კრიტერიუმების მიხედვით.

ბიძინა სტურუას კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ბიძინა სტურუას კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1106 ქულა, რაც ქულების მაქსიმალური რაოდენობის 92.17%-ია.

### **კენჭისყრის შედეგები:**

2021 წლის 17 ივნისს თიანეთის მუნიციპალიტეტში მცხეთის რაიონული სასამართლოს მაგისტრატი მოსამართლის ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 11-მა წევრმა მიიღო, ბიძინა სტურუამ მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 6 კანდიდატი, მათგან 1 მოქმედი მოსამართლე, 3 ყოფილი მოსამართლე და 2 იუსტიციის უმაღლესი სკოლის ყოფილი მსმენელი, კერძოდ:

1. გორგაშვილი სანდრო - 0 ხმა
2. გურული მალხაზ - 0 ხმა
3. ზვიადაძე გიორგი - 0 ხმა
4. თუნაური გიორგი - 0 ხმა
5. კაპანაძე თორნიკე - 0 ხმა
6. სტურუა ბიძინა - 11

### **დასკვნა:**

კანდიდატ ბიძინა სტურუას კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებდა აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თიანეთის მუნიციპალიტეტში მცხეთის რაიონული სასამართლოს მაგისტრატი მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა ბიძინა სტურუა.

ნიკოლოზ მარსაგიშვილი

საქართველოს იუსტიციის  
უმაღლესი საბჭოს მდივანი